



mjesečni Bilten

omladinska mreža bosne i hercegovine



Maj
Svibanj
2021.

264

Dragi prijatelji/ce,

Predstavljamo vam **majsko** izdanje (**264**) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u maju.....	2
Planovi za juni.....	7
Aktivnosti članova mreže.....	8
Saopštenja/informacije/donatori/pozivi	17

Uživajte u čitanju!

AKTIVNOSTI ORC/HCA U MAJU 2021.

Eko-akcija: "Sačuvajmo Paučko jezero kao gorsko oko"

Zaštićeni pejzaž Konjuh krije nevjerovatne ljepote. Jedna od njih je i prekrasno Paučko jezero koje, okruženo četinarskom šumom i sa svojom biološkom raznolikošću, privlači brojne turiste ljubitelje iskonske prirode.

Rafting klub "Tuzlak" pokrenuo je projekat "Sačuvajmo Paučko jezero kao gorsko oko", čiji je cilj da građane aktivno uključi u zaštitu i povećanju atraktivnosti Paučkog jezera kako bi se razvijala javna svijest o potrebi njegovog očuvanja jer ono jedno od tek dva prirodna jezera tog tipa na području TK.

U ekokaciji čišćenja jezera je 09.05.2021 godine učestvovalo 20 volontera članova Rafting kluba "Tuzlak" i ekovolontera iz partnerskih organizacija Budi Muško iz udruženja "Zemlja djece BiH" i Omladinskog resursnog centra Tuzla.

Volonteri koji su učestvovali u akciji imali su priliku osjetiti prirodne ljepote Bosne i Hercegovine timskim radom u čišćenju jezera, okušati se u veslanju te kao svaki pojedinac doprinijeti očuvanju prirode koja postaje zapostavljena na našim prostorima.

Akcija je provedena uz nadzor rendžerske služne Zaštićenog pejzaža i stručnu pomoć njihovog nadzornika Dževada Softića. Prilikom provedbe akcije u Zaštićenom pejzažu su se primjenjivale samo propisane i minimalne intervencije, dok ostalo kako je i predviđeno reguliše sama priroda.

Projekat "Sačuvajmo jezero Paučak kao gorsko oko" je podržan od strane Ministarstva prostornog uređenja i zaštite okoliša TK .



CAT – Bosna i Hercegovina

Tokom mjeseca maja, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



Tuzla: KUVI dijalog – “Veterani i mladi”

Omladinski resursni centar Tuzla – ORC Tuzla je 24.05.2021 ugostio ratne veterane iz Dervente, iz Udruženja „Pravi Požar“. Imali smo priliku čuti isповijesti, mišljenja i razmišljanja ovih hrabrih ljudi, pripadnika svih vojnih komponenti u ratu u BiH.



“Bila sam skeptična, ne želim puno slušati o ratu, izbjegavala sam tu temu, ali mi je dijalog s veteranima bio zaista zanimljiv”, prokomentarisala je jedna od učesnica KUVI dijaloga u Tuzli.

Sagledati priču sa svih strana, slušati o tuđim iskustvima i razgovarati o ovim temama nije lako, ali je moguće i doprinosi razmišljanju i razumijevanju. Takve priče smo imali priliku slušati od naših veterana i uvidjeti besmisao rata.

“Prvi put Bogu sam se pomolio kada sam bio ranjen, kada su mi rekli da možda neću preživjeti – pomolio sam se samo da stignem na vrijeme. Vjera i brda pomjera..” rekao je jedan od veterana.

Zahvaljujemo se KUVI dijalogu “Veterani i mladi” što su našim mladima pružili priliku za ovakvo iskustvo i razgovor.



Isto tako, zahvaljujemo se menadžmentu Javne ustanove „Centar za Kulturu Tuzla“, koji su nas za ovu priliku ugostili i ustupili nam prostor za ovu veoma zanimljivu radionicu.

Projekat se realizuje zahvaljujući podršci programa **Bosnia and Herzegovina Resilience Initiative (BHRI)**, koji sprovodi **Međunarodna organizacija za migracije (IOM)**, uz finansijsku podršku **Američke agencije za međunarodni razvoj (USAID)**.

Sa mačkama u zajednici – CAT BiH & RTV7

Voditeljica, **Azra Muderizović**, u petoj epizodi novog serijala #SaMackamaUZajednici donosi priču u Gornjoj Tuzli, Konjičkom klubu Mango. Ovaj Klub nastao je iz ljubavi prema ovim plemenitim životinjama, a osnovao ga je mladi sugrađanin Adi Mujaković u periodu kada počinje doba koronavirusa.

[VIDEO](#)

U šestoj epizodi novog serijala #SaMackamaUZajednici ugostila je mladu ekipu Pozorišta mladih Tuzle, koje je registrovano od strane Udruženja „MLADI TUZLE“ Tuzla i grupe studenata glume i produkcije sa Akademije dramskih umjetnosti Univerziteta u Tuzli.



Govornik je između ostalog bio i direktor Srednje umjetničke škole u Tuzli, **Adnan Mujkić**. [VIDEO](#)

#CATBiH u saradnji sa Radio televizijom 7 Tuzla (#RTV7) realizuje ovu emisiju, u kojoj je pažnja posvećena aktuelnim društvenim temama, gradu, ljudima, podršci mladima, prilikama za mlade, civilnom sektoru, društvenom aktivizmu i slično. Predviđeno je da u narednom periodu ugostimo brojne, između ostalih akademske ličnosti, psihologe, sociologe i predstavnike mladih, a vas pozivamo da nam u komentarima napišete koje teme biste voljeli čuti u budućim izdanjima emisije "Sa mačkama u zajednici"!

„CAT Digitalna Akademija“ – Trening Bijeljina

U saradnji sa eminentnim omladinskim radnicama iz Srbije **Ivanom Volf** i **Marinelom Šumanski** donosimo našu Drugu Digitalnu akademiju za menadžere/ice društvenih mreža!

Digitalna akademija je okupila 20 najmotivisanijih mladih menadžera/ica društvenih mreža iz organizacija civilnog društva u Bosni i Hercegovini.



Offline modul, održan je za sve učesnike i učesnice Digitalne Akademije u Bijeljini od 17. do 21. Maja.

Želja nam je da potaknemo kreativno okruženje u kojem će se mladi osjećati prijatno i ohrabreno da započnu svoju kampanju u zajednici.

Nakon završenog treninga uživo polaznici/ce Akademije su u mogućnosti da u partnerstvu sa drugim polaznicima/cama pokrenu svoje digitalne kampanje, koje će između ostalog imati za cilj i jednu "onground" akciju u zajednici odakle dolaze.

Ova aktivnost je podržana kroz program Bosnia and Herzegovina Resilience Initiative (BHRI).

PodCat sa Malikom

Gosti nove epizode PodCAT-a sa Malikom bili su mladi Bijeljine, **Miloš Stanišić**, mladi vijećnik i **Katarina Tomanić**, mlada aktivistica iz Bijeljine.

Mladi iz Bijeljine su u novoj epizodi zajedno sa Malikom razgovarali o budžetu za mlade u Bijeljini, prilikama ili neprilikama koje imaju mladi na lokalnom nivou te o njihovoj budućoj suradnji. [VIDEO](#)



"ZOOM se u GV Tuzla naplaćuje po minuti???"

U novoj epizodi PodCAT-a sa Malikom gosti su mladi vijećnici GV Tuzla, Selma Čatibušić, Omer Berbić i Admir Čavalić.

Selma, Omer i Admir su zajedno sa Malikom razgovarali o aktuelnim dešavanjima u GV Tuzla, konkretnoj borbi i radu iz opozicije te o inicijativama od formiranja Progresivni blok Tuzla. [VIDEO](#)

"Bombardovat" ćemo OV inicijativama za mlade!!

Gosti nove epizode bili su mladi vijećnici OV Lukavac Mirza Mujagić i Ermin Prijić.

Mladi vijećnici iz Lukavca su u novoj epizodi zajedno sa Malikom razgovarali o budžetu za mlade OV Lukavac, prilikama ili neprilikama koje imaju mladi na lokalnom nivou te o njihovoj budućoj suradnji.

[VIDEO](#)

Novu sezonu PodCAT-a sa Malikom CAT Bosna i Hercegovina realizuje u suradnji sa **Fondacija Boris Divković**.

PodPatrola – Šta mislite o govoru mržnje? Anketa Bijeljina

!

internetu i šta misle o tome? [VIDEO](#)



REDOVNE AKTIVNOSTI ORC I HCA TUZLA

Tokom maja radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net, alfbih@googlegroups.com), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JUNI 2021.

- Nastavljamo sa aktivnostima u novom ciklusu CAT - Expanding the Media Toolbox. U okviru ovoga ćemo nastaviti smo sa realizacijom II „Digitalne akademije“ sa mladima iz BiH, koji će imati priliku da u svojim gradovima i lokalnim zajednicama rade na digitalnim kampanjama koje će za cilj imati jednu uličnu akciju u zajednicama iz kojih dolaze koordinatori kampanja. Nastavićemo sa emitovanjem serijala „Mačke u lokalnoj zajednici“, u saradnji sa **RTV7 Tuzla**, nastaviti snimanje „**PodCat-a sa Malikom**“, ovoga puta sa mladim vijećnicima i odbornicima širom Bosne i Hercegovine, u saradnji sa [Fondacija Boris Divković](#). Snimiti 50 emisija "CATPatrole", koje će se tokom ljeta emitovati na jednoj od televizija sa nacionalnom frekvencijom u saradnji sa [FIST Production Sarajevo](#). , Kontinuirano nastaviti sa online kampanjom (Vijesti i prilike za mlade, poruke i glasovi mladih, video, foto, meme sadržaj), Realizovati 20 pub kvizova širom Bosne i Hercegovine na temu aktivizma, izgradnje mira i povjerenja, političke i medijske pismenosti u saradnji sa našim partnerima, Proširiti CAT BiH tim sa mladima iz Omladinske grupe ORC Tuzla
- Nastavak aktivnosti u okviru ALF Mreže BiH. U okviru ovoga ćemo početkom juna organizovati Prvo internacionalno online piano takmičenje „**Sergei Rachmaninoff**, a u okviru **ALF Virtual Marathon for Dialogue in the EuroMED**, a tokom juna organizovati godišnji sastanak mreže, na kome će biti predstavljen izijenjeni i dopunjeni „**Sporazum o saradnji članica ALF BiH**“, te organizovati konferenciju za medije i stakeholdere na kojoj ćemo informisati javnost o urađenim aktivnostima ALF BiH u proteklom periodu i planovima za dalje, O ovome ćemo vas obavijestiti u skorije vrijeme
- Nastavak aktivnosti u okviru partnerskog projekta „**Youth Rule o Law LAV (YroLL)**, čiji je nosilac Udruženje „**Ja BiH u EU**“ iz Sarajeva, a podržan je od strane **Evropske unije**. Projekat će trajati 30 mjeseci. O aktivnostima ćemo vas informisati na našim glasilima.
- Nastavak rada na fundraisingu.
- I, ako Bogda početak realizacije rekonstrukcije tavana iznad naših kancelarija, koji smo dobili od grada Tuzla na korištenje, te otvaranje **Centra Aktivista Tuzle**. Do sada smo uspjeli očistiti i izbaciti smeće koje se decenijama nakupljalo na tavanu (otprilike 4-5 tona papira, drveta, lima, stakla i ostalog smeća), ali i pronaći dosta fotografija Tuzle i aktivnosti sportskih klubova i mladih u periodu 1960 – 1985. Od ovih fotografija planiramo napraviti izložbu u skorije vrijeme. U očekivanju urbanističke saglasnosti i građevinske dozvole, krećemo polako sa namicanjem sredstava.

Ovom prilikom pozivamo sve koji poznaju organizaciju, donatora, pojedinca ili sl. koji nam može pomoći u rekonstrukciji tavana, da nam jave. Hvala!

AKTIVNOSTI ČLANICA OMLADINSKE MREŽE BiH



Udruženje građana "C.E.Z.A.R." Srbac

Zdravka Čelara 29, 78420 Srbac

Tel: 051 928 126

e-mail: zdravosrbac@yahoo.com

Maj i redovne aktivnosti u CEZAR-u

U maju je bilo dinamično i radno u UG „C.E.Z.A.R.“ kad su u pitanju redovne aktivnosti, jer se situacija sa virusom COVID-19 stabilizovala i omogućila nesmetan rad.

Oko 120 polaznika je učestvovalo u 7 aktivnosti: Mali kreativci, Mala školica engleskog jezika, Cezarovi istraživači, Školica sporta, Zumba, Ritmička gimnastika i Hip hop. Naročito interesantno je bilo kod najmlađih:

- Mali kreativci su imali priliku da se druže sa policajcima iz Policijske stanice Srbac koji su održali radionicu i upoznali mališane o tome šta rade policajci, a uz to su ih naučili i osnovne saobraćajne znakove.



- Cezarovi istraživači su imali čas u prirodi, odnosno na selu gdje su učili šta se uzgaja u plasteniku, koje su to domaće životinje, kako se održava voćnjak, šta se sve nalazi u traktoru i još mnogo toga.



- Polaznici Male školice engleskog jezika su takođe dobili priliku da obiđu selo i nauče kako se na engleskom kažu voće i povrće, a zajedno sa drugarima iz Cezarovih istraživača su posadili kukuruz na sopstvenu, „Cezarovu“ parcelu.



Međunarodni dan biodiverziteta

U okviru homestay projekta „**Youth Corners of Trust and Peace**“, koji se realizuje zahvaljujući finansijskoj podršci **Američke ambasade u BiH** obilježen je **Međunarodni dan biodiverziteta**. Naime, održane su ekološko-likovne radionice u **Srpcu** i **Sarajevu**, te ekološko-likovna kolonija u **Travniku**. U Sarajevu i Travniku druženje je održano u omladinskim kutcima, koji su u okviru projekta uređeni prošle godine. Ovo je samo dio umjetničko-ekoloških aktivnosti, koje predstavljaju nastavak likovnog konkursa objavljenog povodom Dana planete Zemlje. Druženje će se završiti izložbom u Sarajevu.



Stigla podrška Agencije za bezbjednost saobraćaja Republike Srpske



Potpisan je ugovor za projekat „BICIKL – vozi, parkiraj i prirodu sačuvaj“, koji je finansijski podržala **Agencija za bezbjednost saobraćaja Republike Srpske**. Realizacija projektnih aktivnosti se očekuje u toku juna.

Projekat „Sva lica aktivizma“

U projekat „Sva lica aktivizma“ uključeno je čak 5 ekipa iz Srpske, a za UG „C.E.Z.A.R.“ je najznačajnija ekipa koja se bavi problemom Nedovoljne informisanosti mladih o aktivnostima i prilikama koje se pružaju na lokalnom i regionalnom nivou, jer ovu temu obrađuju mladi usko vezani za Udruženje. Radionice se održavaju u prostorijama Udruženja i online. Učesnici projekta su imali priliku da u Banja Luci prisustvuju prezentacijama i druženju timova iz drugih opština.



Održana Fokus grupa „Obećano! Učinjeno?“



U prostorijama UG „C.E.Z.A.R.“ održana je fokus grupa „**OBEĆANO! UČINJENO?**“ koja je za imala za cilj da omogući mladima da se lično obrate odbornicima u Skupštini njihove lokalne zajednice i iznesu probleme sa kojima se suočavaju, ali i da predlože inicijative za koje će se oni dalje zalagati u skupštinskim klupama.

Fokus grupi su prisustvovali mladi iz UG „C.E.Z.A.R.“ i Asocijacije srednjoškolaca u BiH – lokalni tim Srbac.



PERPETUUM MOBILE
Institute for Youth and Community Development

PERPETUUM MOBILE BANJA LUKA

Ravnogorska 5, 78 000 Banja Luka

Tel: 051 303 310

E-mail: perpetuum-mobile@blic.net

Web: www.pm.rs.ba

UMREŽAVANJE OMLADINSKIH CENTARA u Bosni i Hercegovini

„Institut za razvoj mladih i zajednice – Perpetuum mobile” Banja Luka i „Mreža omladinskih centara Republike Srpske M.O.C.A.R.T.” implemmentiraju projekat **“Networking youth centers across BIH”**.

Projekat se sastoji od nekoliko komponenti i predstavlja jedan sveobuhvatan pristup koji ima za cilj da ojača formalne i neformalne veze u oblasti omladinskog rada, doprinese javnom prepoznavanju praksi i procesa u radu sa mladima, doprinese umrežavanju omladinskih centara i prostora za mlade, pokrene zagovaračke procese koji vode ka priznavanju i prepoznavanju omladinskog radnika kao zanimanja, te ojača kapacitete članica Mreže M.O.C.A.R.T. sa ciljem ispunjavanja uslova za članstvo u Mreži.

Po uzoru na iskustva omladinskih centara iz Republike Srpske i uspostavljanje mreže M.O.C.A.R.T. , a u saradnji i partnerstvu sa – „Proni – Centar za omladinski razvoj” , „Institut za razvoj mladih – KULT” i „Centar za edukaciju mladih – CEM”, otpočeo je proces istraživanja / skeniranja omladinskih centara / prostora za mlade / centara za mlade. Cjelokupnom procesu prethodio je niz sastanaka radi usaglašavanja upitnika i metodologije istraživanja. Nastojanja su da isti model umrežavanja omladinskih centara/ prostora za mlade / centara za mlade zaživi i u Federaciji Bosne i Hercegovine, te da se na taj način uspostavi adekvatan partner mreži M.O.C.A.R.T. za buduće djelovanje, ali i kreira zajednička publikacija na osnovu pomenutog istraživanja.



Druga komponenta podrazumijeva pokretanje zagovaračkih procesa koji treba da vode u smjeru priznavanja i prepoznavanja omladinskog radnika kao zanimanja. Ovaj zagovarački proces podrazumijeva uspostavljanje saradnje sa institucijama radi priznavanja i prepoznavanja omladinskog radnika kao zanimanja, te edukacije omladinskih radnika kao značajne karike u procesima rada sa mladima. Sastanci sa institucijama dali su odlične rezultate. Na sastanku sa predstavnicima **Ministarstva**

porodice, omladine i sporta Vlade Republike Srpske otvorila se mogućnost integracije ovog pitanja u Omladinsku politiku 2021 – 2025. Republike Srpske, čime će biti osiguran dugoročan i sistemski pristup rješavanju ovog pitanja. Vodeći se rezultatima inicirani su pregovori i sa donatorima te su obezbjeđena sredstva za sprovođenje istraživanja za kreiranje Omladinske politke 2021 – 2025. Nosioi istraživanja biće Institut Perpetuum Mobile i mreža M.O.C.A.R.T. Republike Srpske, a cjelokupan proces odvijaće se u

partnerstvu i saradnji sa Omladinskim savjetom Republike Srpske i Volonterskim servisom Republike Srpske. Osim toga. Institut Perpetuum mobile potpisao je i Sporazum o saradnji sa Filozofskim fakultetom Univerziteta u Banjoj Luci, koji otvara mogućnost zajedničkog rada na unapređenje nastavnog procesa, zajedničkim obrazovnim projektima, programima stručnog usavršavanja, te namjenskim kursovima i posebnim akademskim programima.

Treća komponenta odnosi se na jačanje kapaciteta stalnih i potencijalnih članica mreže M.O.C.A.R.T. Republike Srpske. Kroz ovu komponentu bilo je planirano da se radi sa sedam novih članica kroz dva trodnevna treninga, međutim broj članica se povećao sa planiranih 7 na 10 i još uvijek pokazuje tendenciju rasta, čime će uticaj ove komponente biti veći od planiranog.

Projekat se realizuje zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM), uz finansijsku podršku Američke agencije za međunarodni razvoj (USAID).



**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac**Dnevne radionice**

Omladinska organizacija Svitac je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su radili: male robote, golubove od šarenih papira, oblake od vate, zanimljive timske igre, zdravu ishranu. Razgovarali su o voću i povrću, crtali ih na

papiru, obojili i zalijepili na drveni štapić, te poklonili mami kao ukras za saksije sa cvijećem. Od sitnih makarona su pravili nakit i ukrase, te ih bojali temperama. Razgovarali su o dobrim djelima, posebno za vrijeme pandemije i kako mogu pomoći svojoj porodici. Ovaj mjesec su nastavili pisanje i vježbanje brojeva od 1-10 uz pomoć zanimljivih radnih listova i metoda spajanja linija i prepoznavanja boja. Na muzičkim radionicama su radili pjesme „Visibaba mala“ i „You/me/he/she“ te učili i vježbali tekst, melodiju i ritam. Takođe su se upoznali sa udaraljka za dječiji uzrast, te učili ritmično brojanje od 1-4. Na radionicama engleskog jezika su učili ljubazne riječi i komplimente (hvala, molim te, izvini, mogu li ti pomoći isl.), metereološko vrijeme i nazive za određenu odjeću u 4 godišnja doba. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Uzrast 13+ je učestvovao u radionicama na teme: ljudski odnosi i jednaka prava, definicija tolerancije, dobra djela (posebno tokom COVID-19), zdrava ishrana, planeta Zemlja i načini zaštite. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama smo posvetili pažnju gramatici - glagolima u prošlom vremenu, opisnim pridjevima, te pisanju kratkih sastava o omiljenom sportu koji se igra na otvorenom, o proljeću i dobrim djelima. Pored toga smo vježbali svakodnevnu komunikaciju i radili na projektima i prezentacijama za školu.

Koordinator radionica je bio Adin Midžić uz asistenciju lokalnih i EVS/ESC međunarodnih volontera.

Radionice gitare

U okviru novih pjesama, etida i kompozicija na kojima su učesnici radili nalaze se: "Sumrak" (L.V. Beethoven), "Etida u C-duru" (F. Sor), Etide br.16,17,18 i 19 iz "20 pisama" (R. Dyens), "Napoleonov plač" (J. Szabo) i "Let it Be" (Beatles).

Radionice sambe

Radionice su održavane uz korištenje električne i bas gitare, te su učesnici počeli rad na svojoj novoj kompoziciji na temu tolerancije. Takođe, započet je rad na novoj kompoziciji ("Wolf") iz nove, ažurirane knjige kompozicija za perkusionističke samba sastave. Knjiga je dostupna i slobodna za download zahvaljujući radu članova internacionalne mreže "Rhythms of Resistance".

Učesnici su nastavili rad bez korištenja električne i bas gitare, tako da je fokus bio na ritmičkim frazama i motivima nastalim u toku improvizacije na instrumentima, a koji su kasnije sklapani u veću cjelinu tj. kompoziciju.

Tolerancija i kulturna raznolikost kroz muziku, umjetnost i strane jezike

U okviru projekta održan je niz muzičkih, kreativnih i jezičkih radionica koje su promovisale kulturnu raznolikost, vrijednosti tolerancije i uzajamnog poštovanja. Na ovaj način se podsta

zajednici kojoj pripadaju. Projekat je trajao od 25. aprila do 14. maja 2021. godine i održan je na području Brčko Distrikta, u prostorijama Omladinskog centra. U projekat je direktno bilo uključeno 60 djece, tinejdžera i mladih sa područja Brčko distrikta.





Udruženje za društvena istraživanja i komunikacije - UDIK

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.com

Web: www.udik.org; www.udik-brcko.org

Predstavljena publikacija o zločinima u Čajniču



U srijedu 19. maja, u povodu 29. godišnjice stradanja civila na Mostini kod Čajniča Udruženje za društvena istraživanja i komunikacije (UDIK) je predstavilo publikaciju „Ratni zločini u Čajniču – presude“ koja dokumentuje presude Suda Bosne i Hercegovine za zločine počinjene nad civilima Čajniča i okoline. Sud Bosne i Hercegovine je osudio Milorada Živkovića, Miluna Kornjaču, Milosava Jovanovića, Marijana Jovanovića i Slavku Jovanovića na kazne od šest do jedanaest godina zatvora. Optužbi su oslobođeni Duško Tadić i Stevo Jovanović. Osim pomenutih predmeta, na kraju knjige se nalazi lista ekshumiranih i identificiranih osoba koje su tokom rata u BiH nestale na području Čajniča. Podaci su dobijeni od Instituta za nestale osobe BiH. Osobe koje do danas nisu pronađene, odnosno vode se kao nestali, ne nalaze se u ovoj knjizi. Objavljivanje ove knjige predstavlja pokušaj pomirenja, stvaranja klime za buduće generacije koje će dati doprinos pomirenju, pravilnom razumijevanju prošlosti, te stvaranju multietničkog narativa u tom već narušenom području.

Građanska inicijativa za sjećanje i komemoracije

Kako bi nastavilo promovisati aktivnu ulogu mladih u društvu, kao i važnost saradnje vladinog i nevladinog sektora, Udruženje za društvena istraživanja i komunikacije je pokrenulo mrežu pod nazivom Građanska inicijativa za sjećanje i komemoracije (GISK). Cilj ove inicijative jeste zajednički građanski i politički angažman u kulturi sjećanja, povećanje društvene kohezije i raznolikosti u Bosni i Hercegovini. U maju je završena prva faza projekta kroz koju se nastojalo aktivirati i edukovati lokalnu zajednicu kako bi se stvorio prostor za kritičko razmišljanje i razmjenu iskustava na poljima memorijalizacije i komemoracije žrtava proteklog rata. U narednom periodu će se raditi na proširenju i jačanju GISK mreže sa ciljem zagovaranja nepristrasne građanske memorijalizacije u znak sjećanja na žrtve rata u Bosni i Hercegovini, a sve to kroz mrežu različitih aktivista u lokalnim zajednicama u našoj zemlji. Budite dio naše inicijative i svojim angažmanom doprinesite boljem suživotu u svojoj sredini. Prijave šalžite na e-mail: prijava.gisk@gmail.com.



GISK

INFORMACIJE / DONATORI / POZIVI

Ministarstvo obrazovanja KSB obavještava o procesu nominacije za nagradu Centra sjever-jug Vijeća Evrope

Ministarstvo obrazovanja, znanosti, mladih, kulture i sporta KSB podsjeća da Europski centar za globalnu međuovisnost i solidarnost i Centar sjever-jug Vijeća Evrope već tradicionalno dodjeljuje Nagradu sjever-jug Vijeća Evrope.

Nagradu koja ove godine slavi svoje 26. izdanje dodjeljuje se aktivistima, osobama i organizacijama ili institucijama prepoznatim po njihovom zalaganju za obranu i promidžbu ljudskih prava, demokracije i vladavine prava te razvoju interkulturalnog dijaloga, jačanja partnerstva sjever-jug i solidarnosti sukladno principima i prioritetima Vijeća Evrope.

Nominacije za ovogodišnju nagradu mogu se dostaviti putem online obrasca, koji se nalazi na web stranici Centra sjever-jug: <http://www.coe.int/en/web/north-south-centre/north-south-prize>.

Rok za dostavljanje nominacija je **15.9. 2021.** godine.

Žiri za dodjelu nagrade Centra sjever-jug, koji se sastoji od članova Ureda Izvršnog odbora Centra sjever-jug, sastat će se u posljednjem kvartalu 2021. godine kako bi donijeli odluku o dobitnicima nagrade za ovu godinu.

Više informacija o nagradi, uvjetima za nominaciju i spisku svih prethodnih dobitnika nagrade mogu se naći na [web stranici Centra sjever-jug](#).

BCSDN objavljuje poziv za podnošenje prijedloga za ad-hoc grantove za podršku



Projekti treba da doprinesu jačanju regionalne saradnje za promociju građanskog prostora u regionu Zapadnog Balkana.

Prihvatljivi kandidati mogu biti sve vrste pojedinačnih OCD i / ili mreže OCD, platforme, udruženja, fondacije, pod uslovom da su nevladine i nisu profitne i da su registrovane u najmanje jednoj od zemalja regiona Zapadnog Balkana. – Albanija, Bosna i Hercegovina, Kosovo, Crna Gora, Srbija i Republika Severna Makedonija.

Poziv je otvoren dok ima sredstava ali najkasnije do 30. juna 2021.

balkancsd.net

Konkurs: Kulturna manifestacija „Jesen grafike 2021“



Kulturni centar UDAS Banjaluka, u cilju promocije grafičke umjetnosti i njenih stvaralaca, raspisuje **Javni konkurs** za dodjelu izložbenog prostora autorima iz oblasti grafičke umjetnosti u okviru kulturne manifestacije „Jesen grafike 2021“. Manifestacija će se održati u periodu od oktobra do decembra 2021. godine u okviru koje će se predstaviti ukupno 6 (šest) autora putem samostalnih izložbi u trajanju po 15. dana.

Na konkurs se mogu prijaviti:

1. diplomirani likovni umjetnici iz Bosne i Hercegovine i regiona
2. studenti/kinje završnih godina akademija likovnih umjetnosti iz Bosne i Hercegovine i regiona

Zainteresovani kandidati/kinje trebaju da dostave sledeće podatke:

1. Lične podatke (Ime i prezime, kontakt telefon, adresa stanovanja, e-mail)
2. Kratku biografiju
3. 10 (deset) kvalitetnih fotografija radova (grafičkih listova) rezolucije 300 dpi.
4. Uz fotografije dostaviti dimenzije radova, naziv i tehniku
5. Radovi moraju biti rađeni u tradicionalnim grafičkim tehnikama (fotokopije i digitalni printovi neće biti uzeti u razmatranje)

Način prijave:

Prijave se dostavljaju isključivo putem e-maila: kulturnicentarudas@gmail.com

Rok za prijavu: Konkurs je otvoren do **14.09.2021. godine**

Rezultate konkursa Umjetnički savjet će objaviti 20.09.2021. godine na web sajtu www.udas.rs.ba

U nastavku možete preuzeti kompletan tekst konkursa [Konkurs Jesen grafike 2021.pdf](#)

Umjetnički savjet Kulturnog centra UDAS Banjaluka www.udas.rs.ba

udas.rs.ba

PODSJEĆANJE – Poziv za prijavu projekata u okviru UNESCO Međunarodnog fonda za kulturnu raznolikost (IFCD) za 2021. godinu.



UNESCO je otvorio dvanaesti poziv za podnošenje zahtjeva za finansiranje projekata sredstvima iz Međunarodnog fonda za kulturnu raznolikost (u daljem tekstu "IFCD").

IFCD podržava projekte zemalja u razvoju, koji vode ka strukturnim promjenama kroz uvođenje i/ili izradu politika i strategija koje imaju direktan uticaj na stvaranje, proizvodnju, distribuciju i pristup raznolikosti kulturnih izraza, kao i jačanje institucionalnih infrastruktura podržavajući održive lokalne i regionalne kulturne industrije,

što je uspostavljeno Konvencijom o zaštiti i promociji raznolikosti kulturnih izraza 2005. godine.

Projekti koje podržava IFCD pokrivaju širok spektar aktivnosti – od izgradnje kapaciteta do analize i razvoja politika, podrške preduzetništvu i konsolidacije kulturnih industrija, a koje su u skladu sa ciljevima Konvencije iz 2005. godine o zaštiti i unapređenju raznolikosti kulturnih izraza. Više informacija o projektima koji su do sada finansirani iz IFCD-a se može naći na sljedećem linku:

<http://en.unesco.org/creativity/ifcd/discover-projects/database-funded-projects>.

Na konkurs se mogu prijaviti organi javne uprave, institucije i nevladine organizacije iz zemalja u razvoju koje su članice Konvencije, kao i međunarodne nevladine organizacije.

Maksimalan iznos sredstava koja se mogu tražiti za implementaciju projekta u okviru ovog Fonda je 100.000 US\$, a trajanje projekta može biti od 12 do 24 mjeseca.

Isključivi način podnošenja prijave projekata je putem online aplikacijske platforme.

Detaljne informacije o uslovima i kriterijima za prijavu projekata, kao i pristup online platformi se nalaze na linku:

<https://en.unesco.org/creativity/ifcd/apply>.

Rok za prijavu projekata putem on-line aplikacijske platforme je **16. juni 2021. godine, do ponoći.**

unescoibih.mcp.gov.ba

USAID objavio prvi poziv za finansiranje na Zapadnom Balkanu – Pojedinačna vrijednost nagrade od 30.000 do 500.000 USD

Program **Catalyze Innovative Blended Finance**, koji finansira Američka agencija za međunarodni razvoj (USAID), objavio je prvi poziv za finansiranje na Zapadnom Balkanu.

– Sve zainteresovane i kvalifikovane organizacije imaju priliku da podnesu aplikacije i prijedloge za finansiranje, što ima za cilj da doprinese rastu malih i srednjih preduzeća u Crnoj Gori, Albaniji, Bosni i Hercegovini (BiH), Sjevernoj Makedoniji i Srbiji – navodi se u pozivu.

Program primjenjuje Palladium International grupa, a finansira USAID.

– Palladium International snažno ohrabruje sve organizacije da prate svoje aplikacije i prijedloge za finansiranje uključujući i one organizacije koje nikada nisu direktno ili indirektno dobile finansije od USAID-a – navodi se u pozivu.

U zavisnosti od raspoloživih sredstava, Palladium namjerava da obezbijedi **između 30.000 i 500.000 USD za pojedinačnu vrijednost nagrade, međutim, taj iznos se potencijalno može povećati tokom procesa zajedničkog stvaranja i/ ili ako su na raspolaganju dodatna sredstva za tu inicijativu.** Palladium zadržava pravo da finansira bilo koji ili nijedan od podnijetih prijave odnosno prijedloga.

– Proces odabira će biti u dvije faze koje će postepeno smanjivati broj ponuđača za koje se razmatra konačna mogućnost finansiranja.

Rok za prijavljivanje u prvoj fazi je 17. maj, a u drugoj 31. avgust – precizira se u pozivu.

Prijave je potrebno dostaviti elektronski na mejl wbalkans.eog@thepalladiumgroup.com.

Svi materijali moraju biti dostavljeni na engleskom jeziku.
ba.ekapija.com



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

Omladinski resursni centar Tuzla

**Hadži Bakirbega Tuzlića 1
75000 Tuzla**

tel/fax: 035 258 077

e-mail: orctuzla@bih.net.ba

*Mjesečni bilten uređuje
Omladinski resursni centar -
ORC Tuzla*

Urednik Biltena:

Mirela Biković

Prevod Biltena na

*engleski: **Adnan Karamujić***

WEB stranica Mreže:

www.omladina-bih.net

Mejling lista Mreže:

posta@omladina-bih.net

Webmaster:

emir.delalic@gmail.com